

## Paano magpabakuna para sa COVID-19



Ang pagpaparehistro ng bakuna ay bukas. Mayroong tatlong mga hakbang upang mabakunahan. Magparehistro, gumawa ng isang tipanan at kunin ang bakuna. Madali at ligtas ito. Ipagkalat at tulungan ang iyong mga kaibigan at pamilya na kumpletuhin ang kanilang pagpaparehistro.

Huling pinagbago: **Abril 6, 2021**

---

## Mayroong tatlong mga hakbang upang mabakunahan.

### Hakbang 1: Magparehistro

Una, magparehistro ka at kumuha ng isang numero ng kumpirmasyon. Kailangan mo ang numerong iyon upang kinamamayaan na gumawa ng iyong tipanan sa pagbabakuna.

Ang pagrerehistro ay tumutulong din sa mga awtoridad sa kalusugan na humiling ng tamang dami ng mga dosis ng bakuna para sa bawa't komunidad.

### Hakbang 2: Gumawa ng tipanan

Makikipag-ugnay sa iyo upang gumawa ng isang tipanan sa bakuna kapag ikaw ay karapat-dapat batay sa iyong edad at aming mga yugto ng Plano ng Pagbabakuna.

Gagawin mo ang iyong tipanan sa online o sa pamamagitan ng telepono. Pipili ka ng isang lokasyon, petsa at oras.

### Hakbang 3: Kunin ang bakuna

Bisitahin ang klinikang pagbabakuna upang makuha ang dosis ng iyong bakuna.

Ang mga taong nakakuha ng kanilang unang dosis ng bakuna ay aabisuhan sa pamamagitan ng email, teksto o tawag sa telepono kapag karapat-dapat silang gumawa ng tipanan para sa kanilang pangalawang dosis.

---

## **Ang pagpaparehistro ay batay sa iyong edad.**

---

### **Mayroong dalawang paraan upang magparehistro**

Maaari kang magparehistro para sa iyong sarili o para sa ibang tao, tulad ng isang magulang o lolo't lola. Ito ay ligtas at ang iyong mga talaan ay hindi isasapubliko.

### **Magparehistro sa online gamit ang isang Personal na Numero ng Kalusagan**

[Magparehistro sa online](#) Maaari kang magparehistro 24 na oras sa isang araw.

Upang magrehistro sa online, **dapat** kang magbigay ng:

- Unang pangalan at apelyido
- Petsa ng kapanganakan
- Postal code
- Personal na Numero ng Kalusugan
- Isang email adres na regular na tinitingnan o isang numero ng telepono na maaaring makatanggap ng mga tekstong mensahe

Hanapin ang iyong Personal na Numero ng Kalusugan sa likuran ng iyong lisensya sa pagmamaneho ng B.C. o BC Services Card [Kard sa mga Serbisyo ng B.C.]

---

### **Magparehistro sa pamamagitan ng telepono**

Kung wala kang isang Personal na Numero ng Kalusugan, dapat kang magparehistro sa pamamagitan ng telepono.

Makakatulong din ang aming call center kung sa tingin mo ay mas komportable ka sa pagrerehistro sa telepono.

Tumawag sa: [1-833-838-2323](tel:1-833-838-2323) | Magagamit ang mga tagasalin-wika

Pitong araw sa isang linggo, alas 7 ng umaga hanggang alas 7 ng gabi (PDT)

---

## Pagkatapos mong magparehistro

### Kunin ang iyong numero ng kumpirmasyon

Kapag nagsumite ka ng iyong impormasyon, makakatanggap ka ng isang numero ng kumpirmasyon. **Huwag iwala ang numero.**

Ang numerong ito ay ginagawang mas madali kapag ginagawa mo ang iyong tipanan sa pagbabakuna.

### Maghintay na makipag-ugnay sa iyo

Kami ay makikipag-ugnay sa iyo kapag ikaw ay karapat-dapat gumawa ng tipanan ng bakuna.

Ang pagiging karapat-dapat ay batay sa iyong edad at mga yugto ng Plano sa Pagbabakuna ng COVID-19 ng B.C.

---

## Ano ang aasahan sa klinika ng bakuna

Inirerekumenda namin na suriin mo ang impormasyon tungkol sa [kaligtasan ng bakuna sa COVID-19 mula sa HealthlinkBC](#) bago ang pagbisita sa iyong klinika.

### Dumating nakahanda

Maghanda para sa iyong tipanan:

- Magsuot ng isang shirt na may maikling manggas at maskara
- Dumating ng mga ilang minuto bago ang iyong naka-iskedyul na oras ng tipanan

Maaari kang magdala ng isang tao para sa suporta.

Lahat ng mga klinika ay naa-akses ng wheelchair. Bibigyan ka ng maskara kung kailangan mo.

### Sa panahon ng tipanan

Sa klinika ikaw ay:

- Magkukumpleto ng isang proseso ng pag-check- in
- Makukuha ang dosis ng iyong bakuna
- Maghihintay sa isang lugar ng pagmamasid nang halos 15 minuto

Maaari mong asahan na nasa klinika ka sa kabuuan ng 30 hanggang 60 minuto.

---

## Kailangan ng tulong?

Makipag-usap sa isang ahente ng Serbisyo ng BC (Service BC) tungkol sa hindi kaugnay sa kalusugan na impormasyon at mga serbisyo.

[Teksto 1-604-630-0300](tel:1-604-630-0300)

[I-dial ang 1-888-COVID19](tel:1-888-COVID19)

**Ang serbisyo ay makukuha mula alas 7:30 ng umaga hanggang alas 8:00 ng gabi Oras ng Pasipiko.** Maaaring isingil ang karaniwang mga bayad ng mensahe at data.

---

**Telepono para sa Bingi**

[Sa Buong B.C. I-Dial ang 711](tel:1-800-711-7111)